

宋  
名  
家  
詞

洛水詞

目錄

水調歌頭 五調

六州歌頭 一調

滿江紅 二調

步虛詞 一調

沁園春 六調

錦堂春 一調

壺中天慢 一調

燭影搖紅 一調

謁金門 一調

水龍吟 一調

喜遷鶯 四調

柳梢青 二調

賀新郎

一調

寶鼎現

一調

念奴嬌

三調

傾盞樂

一調

醉蓬萊

二調

西江月

二調

滿庭芳

三調

減字木蘭花

一調

洛水詞目錄

終

洛水詞

宋程秘

水調歌頭

昏發烏江朝至湖陰月正午舟中作

玉女埽天淨  
雍觀掠江寬  
問君何事底  
急夜半挾舟還  
三島眠龍驚  
覺萬頃明瓊  
碾破涼月照  
東南碧氣正  
吞吐滿挹漱  
膺肝煙蓬上  
藥雲象數天  
關人間已夢  
我獨危坐玩  
漫汗螭殿黃  
昏未鎖鶴  
筆翩躚蜚下  
共吸酒壺乾  
興罷吹笙

去風露五更寒

又

壬子五月二十三日流盦玉泉雨忽大作連賦水調二章一書于堂一懷以歸

電闕驅神駿鐵樵起癡蛟木鳴山裂盛夏白晝  
野魑號急上瑤庭深處爲問龍君何怒抉破古  
天潮日華開絢采雨意屬詩豪與君來蜚玉  
佩斬觚瓢纖流沈羽借我萬斛沸銀濤醉拍滿  
缸香雪寫竭一池濃墨逸氣正飄飆何事謫仙  
子歸去續松醪

又

日轂金鉦赤雪竇水晶寒支機石下翻浪噴薄  
出層關半夜雌龍驚走明日靈蛇張甲蜚上石  
盤桓多謝山君護未放醉翁閑安得醉風泚  
泚露珊珊翠雲老子邀我瑤佩駕紅鸞一勺流  
觴何有萬石橫缸如注虹氣飲溪乾忽夢坐銀  
井長嘯俯清湍

又

登甘露寺多景樓望淮有感

天地本無際南北竟誰分樓前多景中原一恨  
杳難論却似長江萬里忽有孤山兩點點破冰  
晶盆爲借鞭霆力驅去附崑崙望淮陰兵冶  
處儼然存看來天意止欠士稚與劉琨三拊當  
時頑石喚醒隆中一老細與酌芳罇孟夏正須  
雨一洗北塵昏

又

戊戌  
自壽

渤海東南界西北倚崑崙當時推步但知宇內

有乾坤午夜風輪微轉駕我浮空泛景一息過  
天垠俯眎人間世渺渺聚漚塵 挽天吳摩海  
若吐還吞寧用計年八十陽九又三陰要自白  
榆星外直至黑流沙底山與澤俱平不論初末  
度一色界如銀

六州歌頭

送辛稼軒

向來抵掌未必總談空難徧舉質三事試從公  
記當年賦得一丘一壑天塹濶淵魚靜莫擊磬



但酌酒儘從容一水西來他日會從公曳杖其  
中間前回歸去笑白髮成蓬不識如今幾西風  
蒙莊多事論虱豕推羊蟻未辭終又驟說魚  
得計孰能通嘆如雲罔罟龍伯啖眇難窮凡三  
惑誰使我釋然融豈是匏瓜繫者把行藏悉付  
鴻濛且從頭檢校想見□迎公湖上千松

滿江紅

龔撫幹示  
閏中秋

黃鶴樓前江百尺波橫光溢問老子當年高興

何人知得最愛洞庭天際水分明表裏玻璃色  
恐今宵未必似前番天應惜都莫問鴻鍾勒  
也休羨壺天謫憶故人霜下亂灘橫笛便好騎  
鯨游汗漫古來嶮影何曾沒更明年重約再來  
時藥槎客

又

登石頭城  
歸巳月生

頗恨登臨浪自作騷人愁語石城上何須苦說  
死袁生褚當日臥龍商略處秦淮王氣真何許

與君來蕭瑟北風寒黃雲莽  
枕鍾阜湖玄武  
生此虎真蹲踞看四山環合休臨江渚可笑唐  
人無意度却言此虎凌波去君且住明月爲人  
來潮生浦

步虛詞

壽張門司

休怪頻年司鑰仙官長守仙宮東風未肯到凡  
紅先舞雲韶彩鳳 都是一團和氣故教上苑  
春濃群仙拍手過江東高唱紫芝新頌

沁園春

別陳總帥。此一闋本集誤作八聲甘州

玉局仙人輕帆萬里送入三吳恠一舟如葉元  
無濁物依然姑射滿載冰壺昔日文君千言成  
誦不識如今記得無新來也喜都將分付一顆  
驪珠向來田賦蠲輸散多少春風巴與渝筭  
公家粗了尊鱸而已何妨西子白髮江湖印鑄  
黃金時來須佩畢竟人生萬卷書離情處正秦  
淮歲晚雪意模糊

洛水詞

五

汲古閣

又壽王  
運使

公有仙姿蒼松野鶴落落昂昂論法主長生仍  
須極貴雲臺絳闕都許尚羊更憶當年而今時  
候一念功名下帝旁天分付使人間草木盡有  
春香 人知相法奇麗又那識陰功事更長筭  
毘陵荒政江東風采忠文典則凜凜生光再歲  
秦淮觚稜入夢帷幄從來在廟堂公歸去好平  
心獻替人望時康

又壽李

通州

卹用招秋休言推暑風自薰  
今問誰解當初識  
公來處月明碧落旆卷青霓  
千丈長松起人生  
意凍芋寒瓜空滿畦還堪怪  
怪諸公衮衮我尚  
憑泥 須教一舉崔嵬笑人世  
功名各有梯更  
何須煉鼎玄霜絳雪只煩煮茗  
水餅冰蠶紫府  
多仙招來滿座公自長生角亢  
齊何曾也有玉  
麟行地老鳳梧棲

又

謝劉小山  
類寄所作

君有新詞何妨爲我時遣奚奴看此山大小風  
流晉宋眼中餘子苦自侏儒九曲清溪千枝楊  
柳還記新條更有無春將好欲從君商略君意  
何如 佳人玉佩瓊琚更胷中澆灌有詩書把  
古人行處從頭檢點今人說底却不須渠更上  
石頭重登鍾阜畫作金陵攷古圖頻相見怕薰  
風早晚便隔天隅

又

庚午三月望日  
賦襟堂牡丹

消得瑯欄也不枉教車馬如狂怪元和一事韓  
公子者歸來斲去玉毀崑岡爲解花嘲朝來試  
看采佩殷霞浥露香君休怪笑只緣太艷俗障  
難降 詩人未易平章向百卉彫零獨後裝看  
洪爐大器從來成晚只須這著也做花王況是  
月坡花圍一尺壓盡紛紛瑣細芳還堪笑笑龍  
鍾老鳳方入都堂



又讀史記  
有感

試課陽坡春後添栽多少杉松正桃塲晝濃雲  
溪風軟從容延叩太史丞公底事越人見垣一  
壁比過秦關遽失瞳江神吏靈能脫咎不發衛  
平蒙休言唐舉無功更休笑丘軻自詎窮笑  
汨羅醒處元來醉裏真教假孟畢竟誰封太史  
亡言床頭釀熟人在晴嵐杳靄中新堤路喜摻  
枝鱗角大矯蒼龍

錦堂春

前春

最是元來苦無風雨只恁匆匆歸去看遊絲都  
不恨恨秦淮新漲向人東注 醉裏仙人惜春  
曾賦却不解留春且住問何人留得住怕小山  
更有碧蕪春句

壺中天慢

壽丘樞密  
向失慢字

日躔東井正輪囷桂影十分光潔火令方中符  
國運天與非常英傑皤皤平生眼空宇宙綠髮

千尋雪笑談一鎮單于底事心懽  
晚歲佛地  
功深人間富貴五湖煙水闊誰遣心期事左須  
酬滿麒麟勛業又也何妨長生仙籙已在黃金  
闕中原恢拓要公歸任調燮

燭影搖紅

元宵

青旆搖風朱簾漏月黃昏早蓬山萬疊忽蜚來  
上有千燈照和氣祥煙繚繞映瓊樓五雲縹緲  
青裾縞袂亂吹繁絃九衢驩笑  
元是琴堂十

分管領春光到手移  
星宿下人寰  
招客來仙島  
信道邦人見  
少彷徨  
似皇都春好  
明年只恐鰲  
山扈從隨班清曉

謁金門

用趙帳  
幹韵

煙漠漠醉裏看春都  
錯過了清明遲一著  
牡丹重約摸  
曉日漸明  
簷角天與芳辰  
難卻駐得韶華元有藥  
桃源誰共約

水龍吟

壽李  
尚書

洛水詞

汲古閣

道家弱水蓬萊鯨波萬里誰知得人間自有南  
昌居士仙風道骨詩似白星貌如聃老風塵挺  
出向謫仙家裏滕王閣畔飄玉佩下丹闕黃  
髮四朝元老又誰知重生綠髮手提一筆活人  
多少三千功積已冠文昌人人瞻望玉樞躔偏  
對新涼酒頰微紅宛是一星南極

喜遷鶯

別陳  
新恩

少年意氣騰燕兵胡鞞虜王區脫眼底矇矓腹

中空洞不著曹劉元白聞道殊科八中也要彩  
盧連擲收拾盡到如今但有寸心如鐵 天付  
真奇特口靜神充雙眼胡僧碧楚國離騷唐朝  
詞學未信芳塵□歇結取佳人香佩截斷兒曹  
綺舌歸去也且爛斑戲綵好春長日

又

壽李文昌

評君誰似似長松千丈離奇多節骨瘦稜稜文  
高犖犖今日□來仙闕走卒識公容顏齒虜問

公官閤更史館一編書多少頻添勛業偉絕  
今歲別新綠名孫又見枝生葉底事七旬雙瞳  
如水畢竟桂花方發賜第彤墀秋早又一瑤樞  
光潔故人也念相逢誰似鳳池同列

又

壽薛尚書

一天風露喜初行彈壓人間殘暑金母此時雲  
輶先降又見樞星光吐人道鴻濛逢日可是東  
方明處更天上走王人絡繹儀鸞瓊醕聽語

更希舉試把皇朝盛事都來數當日鰲頭皇扉  
侍母綠髮方瞳□□更有飛鳧王季往往文星  
再聚渾休問但回班千歲貂蟬成譜

又

壽薛  
樞密

去年玉燕記曾期今歲瑤光入度今日都人從  
頭屈指盡是黑頭公輔爭道一朝語合誰信千  
齡際遇更積雨曉來晴洗出瑠璃秋宇笑語  
知何許旆卷青霓來自釣天所道骨仙風安排



頓著須是人間紫府要識雲臺高絕更有鳳池  
深處從今數看千秋萬歲永承明主

柳梢青

壽薛尚書

官已尚書人猶寒素仙有名言謂是若人法當  
至貴仍主脩年唐人四字鮮妍堪照映画堂  
綵煙更對新涼一聲芝曲萬斛金甌

又

和齊仙留春

嫩綠成堆朝來紅紫都狂蕩苔方見春來又聞

春去暗裏誰催 人生易老何哉春去矣秋風  
又來何似雲溪長春日月無去無歸

賀新郎

壽李端明本集前段第二句多紛  
紛二字後段第六句多常見二字

袖手雲溪上看人間飢烏腐鼠觸蠻交戰便得  
金魚垂玉帶多少雌黃點勘笑此語必非河漢  
直自彈冠班八座更青春數到期頤笑一段玉  
無纖玷 公難學處尤堪羨全似□泠泠秋水  
體清形健袞處從來高一著那肯隨人脚轉要

須是乾坤清晏天意未教公猛去要都俞了却  
從公便歌壽竿朱簾捲

寶鼎現

壽李端明

綠楊欲舞紅杏微笑春工漸侈試僂指自從嘉  
定數到寶慶□□裏無一歲不書年大有問元  
功誰變理於變雍熙□□□如此自當千歲  
況是端笏蓬萊陞看雍容玉立山峙煉五色補  
天無跡扶日天衢光四被安清拓填群心聲色

恬然如談笑耳更八荒民生奠枕此著又當千  
歲 又況善述先猷嚴武備不開邊鄙陰功徧  
南北千歲未多疇祉且說總是三千歲此際方  
□岐嶷聽今日處處笙歌何止南樓十二

念奴嬌

丙子自壽。本集作附江月

平生有意把六經膏澤人人霑受白被子明康  
節輩浪說堯除先後遇合一時英雄千古誰是  
高強手蹉跎歲晚臨風浩然搔首 今但入夢

青山雲谿深處煙月生懷袖宿有十年蕭散願  
此段功緣須就因憶坡公仇池有約莫悞歸時  
候今朝對酒歌此與君爲壽

又

憶先廬春山之勝

歸來一笑尙看看趣得人間寒食阿壽牽衣仍  
問我雙鬢新來添白忍見庭前去年芳草依舊  
青青色西湖雨後綠波兩岸平拍天教斷送  
流年三之一矣又是成疎隔燕子春寒渾未到

誰說江南消息玉樹熏香水桃翻浪好箇真消息  
這回歸去松風深處橫笛

又

初見海  
棠花

嫣然一笑向燭花光下經年纔見欲語還羞如  
有恨方得東君一盼天意無情更教微雨香泪  
流丹臉今朝霽色笙歌初沸庭院因是思入  
東屏當年手植徧桃源低岸失脚東來春七度  
辜負芳叢亡限問訊園丁寧如歸去細與從頭

清才言  
十四  
看東風獨立白雲遮斷雙眼

傾盃樂

丁亥自壽。本集失樂字誤。

鑒殿秋深玉堂宵永千門人靜問天上西風幾  
度金盤光滿露濃銀井碧雲飛下雙鸞影迤邐  
笙歌笑語群仙隱隱更前問訊墮在紅塵今省  
漸曙色曉風清迥更積靄沉陰都捲盡向窗  
前引鏡看來尙喜精神炯炯便折簡浮丘共酌  
奈天也未教酩酊來歲却笑群仙月寒空冷

余家

天都山乃浮  
丘仙升之地

醉蓬萊

壽王  
司直

笑千葩百卉誰伴東風早春時候唯有江梅在  
人間長久雪後霜前衝涉多少尚精神如舊歲  
歲年年醖酥飲了便爲公壽更向尊前席上  
細看人與梅花稜稜爭瘦桃李漫山都落芳塵  
後和氣滿身參調玉鉉表天然孤秀來歲今朝  
星闌霧閣一卮春酒

洛水詞

十五

汲古閣



又

丙申  
自壽

記蟾宮桂子撒向人間如今時候□□□□□  
□□□□□白下長干亂灘橫笛想昔游依舊太  
海一漚千年一息誰稱彭壽開徧門前丹藥  
漸西風入東籬釀成仙酒□□□□□□□□  
□卓筆雞籠懸天寶蓋占斷宣徽秀來歲清茗  
公家事了斑衣藍綬

西江月

壬辰  
自壽

天上初秋桂子

今歲七月月中桂子下

庭前八月丹花一

年一度見仙槎秋色分明如畫願把陰功一

脉燈燈相續無涯降祥作善豈其差永作漁樵  
嘉話

又

癸巳  
自壽

底事中秋無月元來留待今宵群仙拍手度仙

橋驚起眠龍夭矯天上靈槎一度人間八月

江湖西興渡口幾魂消

癸丑八月  
侍親西興

又見潮生月

上

滿庭芳

雪登前嶺自己酉江右雪行彌月四十七年無此景也今再見之

未歲嘉平初旬日四雪中歸自崇唐山林湖海  
一氣接蒼茫踏盡玉龍千丈更一望龍尾天長  
須臾上高峯四顧迤邐過前岡群山如玉削  
松林百萬盡傳瓊霜渾疑是天際一鶴翱翔入  
道玉皇三六欲一叩風力方剛明朝好金烏銜  
燭八表散祥光

又  
戊戌上元喜  
霽訪開桃洞

去臘飛花今春未已  
迤邐將度元宵俄然甲子  
青帝下新條淨埽一天沉靄  
紅輪滿大地山河  
從今好便當聽取萬國起歌謠  
有人當此際  
鉏雲溪塢剪月中阿已占斷  
春風自種仙桃更  
扶疎桂影直從岩底上拂雲梢  
仍爲我長摩蒼  
石無負此清波

又  
戊戌  
自壽

洛水詞

十七

汲古閣

人道蒼姬燠多寒少故教千歲綿綿筭來春夏  
一氣本無偏底事今年玉曆秋未朔風露冷然  
君知否山深地僻自是早霜天 如今當此去  
十分親切面問嬋娟何須看仙槎海上重還好  
在金英玉屑□爲我滿泛金船仍傳語橫江秀  
石□永鑠三川

減字木蘭花

不應雙睫看盡人間花與雪曾是當時一朵紅

雲擁石飛 如今正好萬綠千紅深處坐也使  
春工喚作天池五月風

字懷古休寧人世系本河北洛川自號洛  
水遺民十歲詠冰便有莫言此物渾無用  
曾向潯沱渡漢兵之句舅氏黃寺丞叱非  
常見挾以自隨以平生所得二吳之學及  
有聞于程大昌者悉以付之由鄉薦旅試  
南宮時丞相趙公典舉見其文曰天下奇

洛水詞

十八

汲古閣

才也擢魁多士或以道學相猜寘本經第  
二論者莫不稱抑嘗讀宋史詳其功業恨  
未得全集讀之癸酉中秋衍門從秦淮購  
得端明洛水集二十六卷雖考之伊子誌  
中卷次遺逸甚多而大畧已槩見矣先輩  
稱其宗歐蘇而長于文章洵哉急梓其詩  
餘二十有一調以存其人云古虞毛晉記

洛水詞終

歸愚詞

目錄

滿庭芳

十調

錦堂春慢

一調

水龍吟

一調

菩薩蠻

一調

風流子

二調

多麗

二調

沙塞子

一調

春光好

二調

西江月

一調

蝶戀花

一調

清平樂

一調

減字木蘭花

二調



水調歌頭 一調

玉漏遲 一調

行香子 一調

玉樓春 一調

鷓鴣天 一調

浪淘沙 一調

卜算子 二調

夜行船 一調

雨中花 二調

好事近 二調

眼兒嬌 一調

歸愚詞目錄 終

歸愚詞

宋 葛立方

滿庭芳

催梅

霜葉停飛冰魚初躍梅花猶閤芳叢剪酥裝玉  
應爲費天工爭奈江南驛使征鞍待一朵香濃  
憑誰報冰肌仙子聞早駕飛龍溶溶春意動  
寒姿未展終愧羣紅與斬新末上開伴長松要  
看黃昏庭院橫斜映霜月朦朧蘭堂畔巡簷索

笑誰羨杜陵翁

又

和催  
梅

未許蜂知難交雀啅芳叢猶是寒叢東方解凍  
春仗做春工何事仙葩未放寒苞秘冰麝香濃  
應須是驚聞羯鼓誰敢噴鬚龍 梅花君自看  
丁香已白桃臉將紅結歲寒三友久遲筠松要  
看含章簷下閒粧靚春睡朦朧知音是凍雲影  
底鐵面葛仙翁

又

探梅

狂吹鳴籬祥雲剪水分明欺壓寒梅冰威初斂  
曦影上池臺應有一番和氣南枝上恐有春來  
須勤探呼吾筇杖屐齒上蒼苔 春風渾未到  
裊回香徑巡遶千迴見瓊英一點小占條枚且  
看先鋒開豔看看便繁蕾齊開香浮動微熏詩  
夢須更著詩催

又

賞梅

臘雪方凝春曦俄漏画堂小秩芳筵玉壺仙蕊  
簾外羃縠煙莫話青山萬樹聊須對一段孤妍  
盃行處香叅鼻觀百濯未爲賢 吾廬何處好  
繡香竹畔偶桂溪邊且爲渠珍重滿泛金船已  
拚春醒一枕如今且醉倒花前花飛後歡呼一  
笑又是說明年

又

梅泛

庾信何愁休文何瘦范叔一見何寒梅花酷似

索笑回檐看便肯嫣然一笑疎籬上玉臉冰顏  
須勤賞莫教青子半著樹頭酸 朱闌聊掩映  
崑崙頂上琪樹團欒命兒曹班坐艸艸盃盤旋  
折溪邊□朶璫蕤泛蕉葉盃寬從教□尊前有  
客拍手笑頽山

又

簪梅

弄月黃昏封霜清曉數枝影墮溪濱化工仙手  
幻出一番新片片雕酥碾玉寒苞似已洩香塵

聊相對畸人投分尊酒認荀陳  
吾年今老矣  
佳人薄相笑插林中愧蒼顏  
白髮回授烏雲玉  
鏡臺邊試看相  
且是淺笑輕顰君知否  
壽陽額上  
不似髮邊春

又

梅詩

一陣清香不知來處元來梅已舒  
英出籬含笑  
芳意爲人傾細看高標孤韵誰家有  
別得花人  
應須是魏徵  
嫵媚夷甫太鮮明  
北枝方半吐

水邊疎影綽約娉婷問橫空皎月匝地寒霏何  
似此花清絕憑君爲子細推評幽奇處素娥青  
女著意爲橫陳

又

扉映琉璃窗搖雲母水堂新翫雲灣際天波面  
玉鏡寶奩寬欄外青山幾疊瑤煙歛影落千鬟  
寒汀晚蘆花飛雪風定白鷗閒塵寰何處有  
方壺圓嶠弱水波翻問何如藜杖此地躋攀種

歸愚詞

汲古閣



竹今逾萬个風枝靜日報平安他年事蒼雲屯  
處千畝看栖縹

又

五姪將赴當塗  
自金壇來別

栗里田園烏衣門巷別來幾換星霜華陽仙窟  
翠桁綵衣香夢墮當塗風月披絳帳欲指鱸堂  
浮鷗外來寧老子特泛雪溪航相逢春正好  
梅舒香白柳曳宮黃且相將一笑樂未渠央須  
念離多會少難輕負百榼霞漿深深觀舞回飛

雪樂奏小宮商

又

胡汝明罷帥歸  
坐間次韵作

江國麾幢邊城鼓角湓川幾報嚴更笑談油幕  
英傑爲時生腹貯六韜三畧新詩就矛槩頻橫  
功名事他年未晚一筇落欖槍 歸來何早計  
白蘋洲畔鉤穫深耕又何如竹帛彝鼎垂名犀  
節徵還伊趁春風外文鵲催行岩廊上談兵齒  
頰讜論佐休明

錦堂春慢

正旦作

氣應三陽氛澄六幕翔鳥初上雲端問朝來何  
事喜動門闌田父占來好歲星說道宜官擬更  
憑高望遠春在煙波春在晴巒歌管雕堂宴  
喜任重簾不捲交護春寒沉金釵整整玉樹團  
團柏葉輕浮重醕梅枝巧綴新幡共祝年年如  
願壽過松椿壽過彭聃

水龍吟

遊釣臺作

九州雄傑溪山遂安自古稱佳處雲迷牛嶺屈  
號淺瀨輕舟斜渡朱閣橫飛漁磯無恙鳥啼林  
塢吊高人陳迹空瞻遺像知英烈垂千古憶  
笈龍飛光武悵當年故人何許羊裘自貴龍章  
難換不如歸去七里溪邊鷓鴣源畔一簑煙雨  
嘆如今宕子翻將釣手遮日向西秦路

菩薩蠻

侍飲賞  
黃花

井梧葉葉秋風晚東籬點點金錢滿開急爲重

陽日烘深院香 幽姿無衆草莫恨生非早嚼  
蔬飭池臺壽公系落盃

風流子

元且作

夜半春陽啓東風峭猶帶去年寒嘆榆塞戰塵  
玉關煙燧壯心耿耿青鬢斑斑又還是一年頭  
上到日月信跳丸門帖繪雞曆頒金鳳酒浮柏  
葉人頌椒盤 幽園春信近簾櫳靜小宴取次  
追歡聊口水沉煙裊清唱聲閒沉良辰漸有梅

舒瓊芷柳搖金縷巧綴新旛莫惜醉吟親側衣  
曳荆蘭

又

細草芳南苑東風裏贏得一身閒見花朵繡田  
柳絲絡岸沼水方泮山雪初殘又還是隴頭春  
信動梅蕊入征鞍月裏暗香水邊疎影淡粧宜  
瘦玉骨禁寒 泛金溪上好開幽戶聊面翠麓  
雲灣知道醉吟堪老名利難關算書惟意嬾宦

歸愚詞

七

汲古閣

塗遊倦舊時習氣惟有躋攀擬待杖藜花底直  
到春闌

多麗

賞梅

冷雲收小園一段瑤芳乍春來未回窮臍幾枝  
開犯嚴霜傍黃昏暗香浮動照清淺疎影低昂  
却月幽姿含章媚態姮娥姑射下仙鄉倚闌看  
殷懃持酒索笑也何妨堪憐處東君不管獨自  
淒涼 算何人爲伊銷斷古今才子篇章有西

湖賦詩處士□東閣年少臺郎驛使來時吳王  
醉處幾番牽動廣平腸賸宴賞微酸如豆又是  
隔年長高樓外莫教羌管吹墮寒香

又

七夕遊蓮蕩作

破波光如鏡三翼輕舟對雨餘重岩疊嶂何妨  
影墮清流望芙蕖渺然如海張雲錦掩映汀洲  
出水奇姿凌波豔態眼看一葉弄新秋恍疑是  
金沙池內玉井認峯頭花深處田田葉底魚戲



歸愚詞

八

汲古閣

龜遊 正微涼西風初度一彎斜月如鉤想天  
津鵲橋將駕看寶奩蛛網初抽晒腹何堪穿針  
無緒不如溪上少淹留競笑語追尋惟有沉醉  
可忘憂憑清唱一聲檀板驚起沙鷗

沙塞子

梅詠

天生玉骨冰肌瘦損也知他爲誰寒底傲霜凌  
雪不教春知 高樓橫笛試輕吹要一片花飛  
酒卮拚沉醉帽簷斜插折取南枝

春光好

立道生  
日作

去年曾壽生朝正黃菊初舒翠翹今歲雕堂重

預宴梨雪香飄

是時梨花  
盛開故云

明年應傍丹青看

寶胯重重在腰鵲尾吹香籠繡段且醉金蕉

又

寒食將  
過淮作

禁煙却釀春愁正繫馬清淮渡頭後日清明催  
疊鼓應在揚州 歸時元已臨流要綺陌芳郊  
恣遊三月羈懷當一洗莫放觥籌

西江月

詞

風送丹楓卷地霜乾枯葦鳴溪獸爐重展向深  
閨紅入麒麟方熾翠箔低垂銀蒜羅幃小釘  
金泥笙歌送我玉東西誰管瑤花舞砌

蝶戀花

冬至席上作

緹室羣陰清曉散灰動葭莩漸覺微陽扇日永  
繡工才一線挈壺已報添銀箭六幕無塵開  
碧漢非霧非煙彷彿登臺見梅萼飄香紫小宴

霞漿莫放琉璃淺

清平樂

子直過省生日  
候殿試席間作

文章驚世半挹南宮第  
蟾窟澄輝天似洗折得  
宵窰丹桂 當年蓬矢生賢  
流霞滿祝長年更  
願巨鰲連釣楓宸第一臚傳

減字木蘭花

四姪過省候  
廷試席上作

搖毫鑄藻縱有微之應壓倒  
萬里鵬程南省今  
書淡墨名 臚傳丹陛月裏  
桂花先著袂雁塢

歸愚詞

十

汲古閣

高題玉季巍科尚覺低

又

章場築地  
相望作

張南周北謾說清漳搖紺碧何似幽棲甥舅相  
望共一溪璇題沙版不用買隣廩百萬餘戶  
增輝庭列芝蘭戶戟枝

水調歌頭

睡鴨凝香縷白酒瀉無聲郊墟不辨羊酪照筋  
紫絲尊此去青山深處邀得白雲爲伴絕意請

長纓一舸背君去幾幅布帆輕  
帝恩重容祿  
隱吏祠庭膝間文度安親得計是揚名珍重金  
蘭交契共惜恩恩別去送我幾煙林異日懷君  
處凝眸亂層岑

玉漏遲

窗戶明環堵山容黛染水光綃舞荷蓋擎煙花  
映步波神女嫩臉鉛華掩素無語向熏風凝竚  
晴又雨征鞞隱隱雲洲沙渚  
須臾風捲還晴

看洩丹囊乍飄沉桂魚颭荷衣珠顆亂傾無數  
休話金沙玉井爭似我神龜處觴爲舉何人解  
歌金縷

行香子

風透紗窗葉落銀床夾纈林吹下嚴霜新篳浮  
蟻班坐飛觴有岩中秀籬中豔洛中香金鈿  
放盡玉粒爭芳噴年年來趣清商不應素節還  
有花王看正封詩龜年調太真狂

玉樓春

雪中擁爐  
聞琵琶作

青女飛花濃剪水寒氣霏微度窗紙人間那得  
骨爲簾蘊有麒麟樽有蟻笙簧凍澁閑纖指  
香霧暝熏羅帳底却教試作忽雷聲往往驚開  
桃與李

鷓鴣天

小孫周晔  
席上作

榴花庭院戲顰顰水剪雙眸画不如莫恨未能  
通瑟僖只今先已辯之無虎睛淺綴新花帽



龍腦濃熏小繡襦  
乃祖未須貼厥力  
及時須讀五車書

浪淘沙

子直新第落成席上作

休看輞川圖  
未是幽居何如雲水遶  
儲胥新涇  
青紅開棟宇  
霧拱風疎  
小圃秀郊墟  
花破平蕪  
五峯列影  
水平鋪  
只欠五城樓  
十二便是蓬壺

卜算子

賞荷以蓮葉勸酒作

明鏡蓋紅蕖軒戶臨煙渚  
窈窕珠簾淡淡風香  
裡開樽俎莫把碧筒彎  
恐帶荷心苦喚我溪  
邊太乙舟  
漱澣盛芳醕

又

席間  
再作

裊裊水芝紅脉脉蒹葭浦  
淅淅西風淡淡煙幾  
點疎疎雨草草展盃觴  
對此盈盈女葉葉紅  
衣當酒船  
細細流霞舉

夜行船

章甥婚  
席間作

白尺雕堂懸蜀繡珠簾外玉闌瓊甍調鼎名家  
吹簫賢冑新卜鳳皇佳耦銀葉添香香滿袖  
滿金盃壽君芳酒喜動蟾宮祥生熊帳應在細  
君歸後

雨中花

雅陽途中小雨  
見魏李處開作

壯歲嬉遊樂事幾經青門紫陌芳春未見廉纖  
膏雨浥花塵濯錦寶絲增豔洗粧玉頰尤新向  
韶光濃處點染芳菲總是東君蘇州老子經

雨南園爲誰一掃花林誰信道佳聲著處肌潤  
香勻曉洗何郎湯餅畀留巫女行雲寄言遊子  
也須留眄小駐蹄輪

又

奉使途中  
作和前韵

寄徑睢陽陌上忽看天桃穠李爭春又見楚宮  
行雨洗芳塵紅豔霞光夕照素華瓊樹朝新爲  
奇姿芳潤擬倩遊絲留住東君 拾遺杜老猶  
愛南塘寄情蘿薜山林爭似此花如妹麗嬾髓

輕勻不數江陵玉杖休誇花島紅雲少須澄霽  
一番清影更待冰輪

好事近

端有  
期作

幾騎漢旌迴喜動滿川花木遙睇清淮古岸散  
離愁千斛 煙籠沙嘴定連艘鵲脚蘸波綠  
話隔年心事乘夜闌銀燭

又

和子直  
惜春

歸日指清明肯把話言輕食已是飛花時候賴

東風無力 青帘沾酒送春歸莫惜萬金擲屈  
指明年春事有紅梅消息

眼兒嬌

回至汴京喜  
而成長短句

暫時莫蕩出燕然冰柱凍層簷時節馬蹄歸路  
楊花亂撲征韉 如今歸去銀鐙宜見七寶床  
邊待得退朝花底家人爭捲珠簾

字常之清孝公書思之孫文康公滕仲之

子文定公邲之父也丹陽人後以文康守

吳興因家于浚金溪與弟玄象同登紹興  
戊午進士第所著西疇筆畀五十卷方輿  
別志二十卷歸愚集五十卷外制集五卷  
其贈炙人口者莫如韵語陽秋二十卷前  
有小引以晉人褚裒自況托故人徐林為  
之序未果而卒復于夢中索之豈文人平  
生得力處至死未能已耶其自題草蘆  
曰歸愚識夷塗游宦忙捷徑故文集與詩

餘俱名婦憑第集中如雨巾花眼兒媚諸  
調俱不合譜未敢妄為更定云古虞毛晉  
記



婦愚詞終